

甯陵縣志卷之十二

祀祠志

道之所賴而事舉焉則君子舉其事以崇吾道非必道之所賴而義在焉君子亦仍其事以明吾義邑中祠祀按舊志首文廟道所宗也附於文廟中者皆道之所存也次社稷次風雲雷雨山川城隍又次邑厲壇八蜡祠非皆道之所屬而義顧因之以起禮曰有功德於民則祀之禦大災捍大患則祀之不列祀典者爲淫祀社稷風雷山川城隍厲蜡實與民事有相

重刻甯陵縣志

卷之十二

祀祠

一

關之理故每歲於春有祀秋又有祀崇德報功禦災捍患義準諸此他如沙隨之祠二遺愛之祠二守臣之廟一烈女之祠一徧而祭之蓋與夫子之道有相發明者乎餘則推祈報之意申祠祀之誠或廟之或寺之或閣之各著其意以爲冠民曰福利在是也君子曰安在其爲福利也民曰卽無所利也夫何擾君子亦求其無所擾者而已姑附志之以明吾義

文廟

春秋仲月上丁日致祭

二祭共銀肆拾兩

羊 三
豕 六
登 五
鉶 二十
爵 一百五十七

簋 四十一
簋 四十一
籩 一百八十四
豆 一百八十四
酒尊 五

篚 九
帛 五
酒尊案 三
牲匣 八
香案 十七

香爐 四十
木盤 二百一十一
燭臺 九十
供桌 四十
毛血粃盆 二十

瘞盤 八
酒勺 五
盥 洗
盆

架 各三
冪 五
滌牲器 八
釜 八

國朝特設樂舞生六十四名

歌章 四人
鐘 一人
磬 一人
琴 二人
瑟 二人

排簫 二人
簫 二人
笛 二人
笙 二人
塤 二人

重刻寧陵縣志 卷之三 祀祠 二

箎 二人
搏拊 二人
大鼓 一人
祝 一人
歌 一人

執麾 一人
引節 一人
司舞 三十六人

樂器

編鐘 十六枚 有架
編磬 十六枚 有架
琴 二張

簫 二管
笛 二管
排簫 二件

笙 二攢
塤 二箇
箎 二管

大鼓 有架
搏拊鼓 一面 有座
祝 一座

歌 一座
麾旛 一杆 有架
旌節 一杆 有架

龍翟 三十六柄
籥 三十六管
琴桌 二張

瑟案二張

樂器大櫃二隻

紅桌二張

啟聖祠

春秋仲月上丁日致祭往者先至聖而後及之議者謂子雖齊聖不先父食乃先祠而後廟顏

路以下統於尊不嫌於僭師云

二祭共銀五兩

羊一

豕一

帛一

爵九

籩四

豆四

簋二

簋二

酒尊一

名宦祠

東漢桓鸞

唐張巡

劉昌

高彥昭

王栖曜

曲環

重刻寧陵縣志

卷之十二

祀祠

三

栢良器

宋苗時中

金尹升卿

王渥

元董文貞

趙壁

明蔡祥

王孟嘗

楊輔

王潮

石吐

熊秉元

秦霑

劉懋

溫良

岳民庇

國朝馬慧裕

增栗毓美

二祭在文廟祭銀內分用

羊一

豕一

帛一

酒尊一

酒盞

二十四

籩四

豆四

簋二

簋二

鄉賢祠

漢田王孫 葛龔 張遷 夏侯詵

唐劉思立 劉憲 五代劉熙古

宋劉蒙正 劉蒙叟 程迥 范仲淹

明喬恕 呂坤從祀文廟西廡 苗文英 王印

喬進璠 呂真知 王應登 翟三策 盧宗泰

劉景世 符希孟 李學恕 曹有謨

國朝呂慎多 呂崇謐增 符兆熊增

二祭在文廟祭銀內分用

重刻甯陵縣志 卷之十二 祀祠 四

羊一 豕一 帛一 酒尊一 爵二十七

籩四 豆四 簋二 簋二

社稷壇在西關街南南闊六丈七尺北闊七丈東長十一丈九尺西長十一丈七尺共地一畝三分三釐西北二至徐恩光南至張雲霓東至大路春秋仲月上戊日官服祭

羊二 豕二 銅六 帛二 籩八

豆八 簋四 簋四 酒尊三 爵六

風雲雷雨山川城隍壇在南關路東南南闊十二丈九尺北闊十二丈五尺長四十五丈三尺東至教場西至官路南至大路北至喬

崑共地九畝五分八釐八毫五絲春秋仲月上巳

日官服祭

羊二

豕二

鉶六

籩八

豆八

簋四

簋四

帛七

酒尊三

爵九

以上二壇知縣林桂重築四固以磚仍舊

二祭共銀十八兩

邑厲壇

在北門之西堤外南濶五丈七尺北濶九丈五尺長七丈四尺南至官堤東至于蕃西北

二至呂得中共地七分五釐二毫三絲以清明日七月望十月朔城隍提控日脯吉服祭

羊三

豕三

飯米

羹

三祭共銀十五兩

祀國之大事也孔子曰俎豆之事則嘗聞之矣今問

重刻寧陵縣志

卷之三

祀祠

五

祀典俎豆而不知者十九是儒者之恥也茲志也詳

器數紀牲齊雖其簿正則有司存而因文考義庶幾

得制作者之精與又焉知修廢補敝不有感於斯也

是故君子謹大事不遺故常究筴典不及秘錄

存舊

八蜡祠

未建附祭於社稷壇之側仍舊

二祭共銀四兩

沙隨程氏曰八蜡之祭為民設教也厚矣方里而井

八家共焉吾食其一仰事俯育資焉而無憾者可不

知所本乎古有始為稼穡以易佃漁俾吾卒歲無饑

不與禽獸爭一旦之命者繫先嗇是德故祭先嗇焉
曰司嗇者謂修明其政而潤色之者也曰農者謂傳
是業以授之於我者也曰郵表畷者畷井田間道也
郵表也者謂畫疆分理以是爲准者也昔之人爲是
而勞今我蒙之而逸蓋不得不報也曰貓虎者謂能
除鼠豕之害吾稼者也曰坊者謂昔爲隄防之人使
吾禦水患者也曰水庸者昔爲畎澮溝洫使吾爲旱
備者也曰昆蟲者非祭昆蟲也祭其除昆蟲而有功
於我者也除昆蟲者不一而足如火田之人捕蝗之

子禽鳥或能食之霜霰或能殺之以其不一而足故
直曰昆蟲焉耳夫以表畷防庸之賤隸猫虎昆蟲之
細效吾不敢忘皆得以上配先嗇司嗇之享其民勸
於功利推而廣之等而上之視君親如天地而不敢
慢也後世農田之利奪於兼并之家雖天下之用舉
仰於農而農人不蒙其利大抵一歲之入兼并袖手
什取之五假之牛種則什之七又乘其乏舉貸以倍
稱之息雖八九可也是故樂歲先饑凶年多死者莫
農人若也何以致然由郵表畷之失職也郵表畷之

失職則先嗇司嗇與夫農者其德不自雖有防庸必私其私是生民之害不在鼠豕螟蟻也古之一夫施功力於田里者生蒙其利沒享其祭後世一切反此古者上農夫食九人後世農能食九口者不千一也下農五人後世具父母妻子之養者不百一也有爲浮圖氏者詭言於民曰汝知竭力耕耘而不自粒者乎是前生不種福德也汝知燕居甲第坐享王侯之奉者乎品其材智道德非有踰乎人是前生種福德也故敬我者貴施我者富前生所作今獲其報今世

所作後亦如之猶影響也是以設爲天宮淨土地獄惡趣以誘懼之時或出怪神夢兆以証信之而先王神道設教之意替矣御觀三代里田蜡祭之時其民忻甯愉樂和睦無怨故鬼神享馨香之薦交歸其德不爲妖厲豈不盛矣乎 見文獻通考

里社壇 明初設里社之壇於各里其祭品豕羊各一取諸百家之約會祈豐年報成功也然義節

誓詞雖廢不講而鄉間賽禱猶隨所在行之笙鼓雜奏盡歡而退亦庶乎不失其遺意云

鄉厲壇

今廢 明初有鄉厲之祭其日與邑厲同而制如里社云祈民庶安康孳畜蕃盛百餘年里人且不聞其名矣疾病之家但用巫覡誦法騶禦謂之斷送夫昧實理而妖幻是求惑亦甚矣若

援鬼有所歸之義以示哀無血食之人蓋復鄉厲乎

城隍廟 在縣治之南前濶七丈七尺後濶七丈長三十四丈八尺五寸東至順化街西至虛誥南

至官馬道北至喬嵐又廟西北拐南濶一丈五尺五寸北濶四丈三尺長十三丈二尺西至張問德

東至本廟南至喬龍北至喬士登共地五畝五釐七毫八絲洪武十年建天順間知縣張宗海重修

後圯於河宏治己酉陸布政命修之未竟辛亥知縣全鑑始畢工正德四年知縣姚文相嘉靖間知

縣楊侃林桂相繼增修明崇禎十五年寇變俱燒燬無餘

國朝順治十三年鄉紳李若星輸銀三十兩住持道人曹常明募金重修照舊

正殿三間 寢殿三間 東司十間

西司十間 儀門三間 大門三間

重刻寧陵縣志 卷之十三 祀祠 八

祭銀 見祀典

旌忠廟 在懷賢街南前濶六丈二尺後濶六丈九尺長二十丈一尺東至官水池西至程祠南至

旌忠街北至懷賢街共地二畝一分九釐四毫三絲祀唐守臣劉昌封爵南川王祠廟不知創於何

年日久毀壞明嘉靖四十四年知縣熊秉元重建有正殿三間東廡三間西廡三間中堂三間大門

三間後被人拆毀址猶存

二祭在社稷祭銀內分用

羊一 豕一 帛一 爵三 酒尊一

簋四 豆四 簠二 簋二

邑侯劉公祠 在西甕城內向東庭堂三間門房三間塑像儼然扁其門曰真民父母係邑士

民公建境內集鎮鄉村私祠不一政蹟見名宦志

邑侯熊秦二公祠

舊在東關街北社學東地基九分

亂災燬片瓦不存鄉紳李若星因舊地重建庭堂

一 大間並祀熊公於內今改為二公祠政蹟見名宦志

沙隨程先生祠

在旌忠廟西前濶六丈二尺後濶六丈九尺長二十丈一尺東至旌忠廟

西至多士巷南至旌忠街北至懷賢街共地二畝一分九釐四毫三絲祀宋鄉賢程迥明成化間知

州周誥修嘉靖二十五年知縣陳炫重修四十五年知縣熊秉元增修萬曆間知縣車從衡罰邑人

重修塑像後彼人折毀址猶存祠後萬曆末年創建大奎樓一座八方每方一丈七尺五寸共十四

丈磚臺墻共高三丈柱脚亮格高出城頗稱壯麗祠舊有正殿三間中堂三間大門一間祠臺俱因

重刻甯陵縣志

卷之三

祀祠

九

兵亂之後居民折取臺尚存今祠移於南大街路西建尙未完

二 祭銀在風雲雷雨祭銀內分用

羊 一

豕 一

帛 一

爵 三

酒尊 一

籩 四

豆 四

簠 二

簋 二

呂沙隨祠

舊在北關後小街廟貌宏厥規模壯麗因

革敝政發明經術遠邇戴德佩教乃邑人門弟子所創建也所著有城守救命書邑人藉為成法流

寇充斥之際知城堅有備每望望然去即間薄城下輒失利遁邑人陳牲載酒以祭之後流寇掠士

人詰知其故恨而燬祠邑人尸祝無憑思慕愈殷今卜移於北門內街東乃司寇舊居也僉謀以原

祠地基磚石抵償焉門左樹有頌德碑見碑文志往來名公有拜祠詩見藝文志

邑烈婦祠

在西門內街北以祀李氏解氏呂司寇日

以聞又不得與雙烈同血食邑人悵然悲之若以

諸烈婦並祀庶幾人心之公議云

春秋祭文 嗚呼沙隨毓秀河洛精英卓彼先覺

志堅霜冰廉頑起懦完節完名綱常既正帝闕來

旌今茲春秋 恭薦微誠

觀音寺 在城內西南洪武十三年僧高成創建為祝

年寇變殿閣俱火 順治十二三四年間鄉紳李

若星重修觀音閣準提閣昆盧閣丹盪碧瓦僧房

增垣所 費甚鉅

文昌閣

在奎樓前邑生員呂前廣等公翰贊創建一

張仙閣

在東街火神廟前鄉紳李若星創建

梓潼廟

在東關街北邑人建

關王廟

城內觀音寺前一西門街北一東街驛東一

西關街北一東關頭路北一後街神蜂觀一

南關頭路西一北關後街路北一南小集東頭路

北一境內各集鎮鄉村不下千百餘處俱紳衿鄉

民建

東嶽廟

在東關街北邑人建以祀秦山之神

火星廟

城內西街衝太乙街一東街衝崇正街一南

彥帝廟

在北門內一西關北後一

聖水廟

在縣北二里許唐時勅賜封額民間沿其地

崇義廟

而修之內有井二眼見古蹟

明初鄉社之所後廢今其居民修之以祀土

重刻寧陵縣志

卷之三 祀祠

三官廟

境內不一邑人修之以祀天地水官之神

泰山廟

在縣正西二十里

柿岡寺

在縣西北二十五里

鞋城寺

在縣西北二十里

土樓寺

在縣西北三十里

壽峯寺

在縣南四十里

通華寺

在縣南三十里

黃岡寺

在縣西南二十里

鐵佛寺

在縣東二十五里

重刻寧陵縣志

卷之七

祀祠

十一

趙玉寺

在縣東南二十五里

莊嚴寺

在縣南四十里

排墓寺

在縣東北八里

萬壽寺

在縣東北十八里

趙村寺

在縣東北二十里

桃堽寺

在縣東北十里

繼古寺

在縣東北二十里

葛資寺

在縣正北二十里

桃園寺

在縣正北三十里

柳河寺 在縣正北三十里

三文寺 在縣西北三十五里

甯靜寺 在縣正北二十里

榆岡寺 在縣正北十八里

焦垆寺 在縣正北八里

金相寺 在縣西北十五里

開元寺 在縣西北四十里

邏岡寺 在縣西北三十里

小谷岡寺 在縣西北四十里

續修甯陵縣志

卷之十二 祀祠

十二

續修

祠祀越二百年有重修者有移建者或前無而後創或昔存而今廢若廟若寺若閣民之以爲福利無擾者舊僅附志今亦難稽而載在祀典宜審所重茲屆續修謹據所攷崖略之

城隍廟康熙三十七年知縣蘇汝糾民重修咸豐九年毀於寇光緒十五年知縣錢繩祖糾民重修歷署知縣徐嘉猷至十七年工竣刊石正殿五間寢殿三間大門三間

旌忠廟康熙間移建於南大街路西程祠失攷何年
正殿三間祀唐守臣南川郡王劉昌御史大夫高彥
昭王栖曜尙書左僕射曲環平原郡王栢良器明游
戎溫良典史攝縣事劉大才

邑侯熊秦二公祠今廢併於西甕城內劉公祠附祀
邑侯龍公德照見職官志

沙隨程先生祠今在南大街路西正殿三間大門一
間乾隆三十二年知縣張銓糾民重修四十二年知
縣羅楯糾民重修建碑嘉慶十一年知縣孫傑糾民

重修建碑

呂沙隨祠今在北門內街東光緒二十年重修正殿
五間東廡三間西廡三間大門三間

忠孝祠一名忠義祠在文廟東雍正五年建春秋仲
月上戊日祭乾隆十七年載府志

節孝祠在東大街路北雍正五年建春秋仲月上戊
日祭乾隆十七年載府志

八蜡廟在西關南乾隆五年署知縣李綸建十七年
載府志

先農壇在縣治東雍正三年知縣田松齡建祀載府志今廢

觀音寺嘉慶十一年邑人重修光緒二十八年知縣張元翰繼前任李汝芝糾民重修

文昌閣今俱廢權祀其神於尊經閣在明倫堂東張仙閣今廢

梓潼廟今廢

東嶽廟康熙三十六年知縣陳元糾民重修乾隆二十一年知縣梁景程王世仕糾民重修道光五年邑

續修寧陵縣志

卷之十二

祀祠

十四

人重修

邱公祠在城南三十里張弓集咸豐九年二月晚匪犯寧破平樂砦郭屯砦圍張弓集砦垂危南陽鎮總兵邱聯恩帶兵進勦十七日至殺賊二百餘賊遂潰圍西竄聯恩尾追尋歿於陣土人建祠祀之正殿三間大門一間見名宦志武臣

附志

興龍寺在城西南四十里已吾城東古碑巋然光緒三十年千總銜李連科武生張用成等稟請官長捐募重建玉皇殿三間關帝觀音三官殿各三間兩廊

十間官廳書廂廚舍山門各三間宣統二年竣工立
石附志

續修甯陵縣志

卷之十二 祀祠

十五